

清人說薈

初集二十種

初集

秦淮感舊集下

板橋雜記所載秦淮題咏。有風致。有感慨。余澹心所謂倘遇旗亭歌者。不能不畫壁也。板橋續記。隨園詩話。所載題咏。亦多佳作。至秦淮間見錄。選徵當時名人詩詞。尤為宏富。蓋自王漁洋作秦淮雜詩二十首後。作者已如林也。紅羊劫後。秦淮勝景。稍稍規復。過江名士。麇唱迭和。不乏佳篇。有所見聞。隨時筆記。不及半載。已得數百首。蓋不獨存一時之風流。亦以寄一時之感慨也。

王漁洋曾作秦淮雜詩。多言舊院時事。當時人競傳寫。板橋雜記曾載其三首。其一首云。十里秦淮水蔚藍。板橋斜日柳毵毵。樓鴉流水空蕭瑟。不見題詩男阿男。男名映淮。適杜氏以節聞。以青燈白髮之嫠婦。與莫愁桃葉同列。殊語之過。漁洋後入為儀郎。乃力主覆疏旌其閭。以自懺悔。（見漁洋詩話）邑李訥。盒雙調南鄉子詞云。（桃葉渡）名士善清談。渡口桃花帶雨慙。偏船雙打槳。珊珊恐有桃根姊妹還。淮水自拖藍。尚有秦時月影涵。我聞亭來較後。慘慘重憶題詩紀阿男。納盒既生。阮亭後不應再以三百年前之嫠婦。與桃葉桃根同咏也。

嘗見薛慙農藤香館小品有集句贈阿男云生小未嘗離阿母願天速變作男  
兒此阿男當非閨秀也

按漁洋詩話所載之阿男乃國初詩人紀伯紫之妹其秦淮柳枝詞漁洋愛其  
棲鴉流水點秋光七字阿男又題桃葉渡詩云波搖秦代月枝帶晉時春亦係  
佳句至薛慙農所言之阿男當時同光時人物

上元秦伯虞題余澹心板橋雜記絕句二首笙歌畫舫月初沈邂逅才人訂賞  
音福慧幾生修得到家家夫婿是東林茉莉香中送晚涼渡頭桃葉趁潮忙十  
三樓上春如許草草山河已夕陽洵有漁洋神韻明初於聚寶石城西關諸處  
建輕烟淡粉梅妍柳翠等十四樓以聚四方賓客所謂花月春風十四樓也十  
三樓當是十四樓之誤

板橋雜記桃花扇院本皆有一代興亡之感不僅寫美人名士也吾邑李吟伯  
明經題桃花扇院本云豔說清溪水一鉤媚香樓勝顧迷樓諸君也自耽聲色  
爭怪官家不解愁玉樹凋殘壁月涼湖山依樣送降王南朝亡國都風雅詩酒  
乾坤粉黛場一夕金城鉄鎖開過江青蓋最堪哀桃花扇子梅花塚都是情天

血性來

元薩都刺詞云傷心千古秦淮一片明月近人熊李真詩云兩戒河山經浩劫  
秦淮明月古今存天下之月皆同而在秦淮則增人無窮之感殆所謂風景不  
殊舉自有河山之異耶予舊作秦淮懷古詩云蕭瑟秦淮絕可憐輕烟淡粉總  
如烟多情只有天邊月曾照南朝歌舞筵予又有秦淮雜詩云酣歌恒舞任流  
連恁奈從無不散筵只有秦淮一片月酒闌猶自照窗前此則傷心人別有懷  
抱矣

任渭長嘗為周雲將畫扇一面寫折枝桃花一面寫李香君小像譚仲修為題  
虞美人詞云春風冷向花枝笑轉眼花枝老淡烟依舊送南朝何事美人顏色  
念奴嬌天涯一樣文章賤公子空相見酒杯傾與隔江山山下無多楊柳不  
堪攀文道希和云南朝一段傷心事楚怨思公子幽蘭泣露悄無言不是桃根  
桃葉鎮相憐若為留得花枝在莫問滄桑改鴛鴦鸞鷺一雙雙欲採芙蓉憔悴  
隔秋江後周雲將亡扇存其姬人沈粟孃處粟孃者秦淮名妓也有香君風  
竟為情死俞蔭甫有詩云千秋兩柄桃花扇前有香君後粟孃易實甫詩云生

無艷福鷗波館。死有香名燕子樓。曹君直翠樓詞云。公孃如此。使我作迦陵。要存篋笥。芳名字。待君箋入。婦人集裏。嗚呼栗娘。洵足為秦淮生色也。

黃公度夜泛秦淮和易實甫詩云。九州莽莽忽忽走。兩鬢蕭蕭漸漸枯。隔絕蓬萊來附鶴。折餘楊柳可藏烏。筆留白石飛仙句。袖有青溪小妹圖。猶是人間乾淨土。莫將樂國當窮途。蓋時當庚子之亂。翠華西幸。名士之渡江南者。不減前代。雖秦淮清溪。恣其治遊。莫愁鬱金。供其高會。而蒿目時艱。不禁感慨係之。

板橋雜記謂茉莉花苞於日中。開於枕上。真媚夜之淫花。滯人之妖草。都昌徐變亭詩云。酒闌嬌情抱琵琶。茉莉新堆兩鬢鵲。消受香風在良夜。枕邊俱是助情花。又吾邑李訥盦詠茉莉（翠樓吟）詞云。枕函薰透。問同夢。今宵花心開否。又最好是秦淮巷口。隔河招手。記簾捲斜陽。新妝巧門。可謂描寫盡致。白門新柳記海陽許養和所作。成於壬申。記叔後秦淮名妓甚詳。附記白門衰柳。皆昇平舊人。近尚掛籍平康者。尤有滄桑之感。

白門新柳記題詩最夥。其佳者如上元方伯雄詩云。秦淮依舊水盈盈。五載歸來百感生。漸喜近時復佳感。鼓鼙聲變管弦聲。沈江張春陔詩云。紅橋鬢影雜

衣香一曲琵琶最斷腸。露葉風枝可憐甚。瘦腰強學鬥新妝。全椒薛慰農詩云。  
白門有客惜芳華。振觸前游舊酒家。多少幽懷成影事。故將彩筆記烟花。結伴  
尋春得得來。赤欄橋畔重徘徊。可憐一樣秦淮柳。都是紅羊劫後栽。酒榼茶盞  
載上船。有人艷說散神仙。那知客裡無窮感。多在倡<sub>作</sub>冶葉邊。東風著意管羣  
芳。花史修成字是香。此是昇平新記載。披風抹月未荒唐。展卷長吟喚奈何。數  
株殘柳也婆娑。（附記白門衰柳）漫云老大無人問。記取當年璧月歌。北平丁硯  
香詩云。又見春風上柳條。夕陽簫鼓水迢迢。南朝金粉飄零盡。舊記依然續板  
橋。晴波搖盪綠楊絲。畫舫銀燈夜泛遲。惆悵曉風殘月裡。為卿重譜柳卿詞。江  
甯陳雲綦詩云。碧玉年華妙入時。徐娘老去也堪思。番風念四重頭數。一卷烏  
絲絕妙詞。上元姚友梅詩云。青溪曲曲水多情。冶葉倡條管送迎。解作曉風殘  
月外。人間惟有柳耆卿。宰相風流憶謝安。重將錦繡換凋殘。夾城一路垂垂發。  
當作平泉花木看。古畝江海門詩云。南朝金粉感飄零。城角啼烏不忍聽。快覩  
昇平傳盛事。白門新種柳青青。

又題詞之佳者。上元秦伯虞綺羅香詞云。乞硯題紅。裁箋織翠。寫出妝樓新色。

波漲秦淮依舊花晨燈夕。悵往事、劫火忽忽。賸逝水韶華堪惜。又今番冶葉倡  
條。送人都作有情碧。花間燕鶯私語。話到六朝烟水。似曾相識。撻玉吹瓊一  
卷烏絲綺格。再休怨粉絮飄零。天付與生春妙筆。怕早晚化作青萍。東風吹太  
急。休寧楊子。顧滿江紅詞云。丁字簾前。全不是舊經過處。更休問玉簫金管。綠  
窗朱戶。裙屐無從尋北里。煙花誰解談南部。只秦淮河水尚西流。情波涵金  
粉地。須培護。風流藪。爭傾慕。慕錦囊心血。品題花譜。才子文章工附會。美人聲  
價遭奇妬。問幾人幽怨。托琵琶。情如訴。上元劉雨生臺城路詞云。綠波漲滿青  
溪渡。頻年漸吹春好。冶葉含情。倡條寄恨。依舊烟籠月照。鶯聲破曉。喜近水人  
家。晨妝纔了。青眼爭邊。幾回臨鏡。淡蛾掃。司勳舊曾遊處。悵笙歌兩岸。都長  
寒草。瑤燕重評。頓楊細數。別有傷心懷抱。板橋再到。且續作羣芳。小名新稿。更  
祝東風成陰。須及早上元。玉雪香念奴嬌詞云。玉簫聲裡。驀心頭觸起舊游情。  
思十載歸來。重問訛水閣。朱闌刺幾。蛻瘦偎烟。螢寒叫月。往日追憶。地青溪無  
恙。水流終古西逝。畢竟六代烟花。風流艷跡。興廢隨時事。一樣依依堤畔柳。  
今我來思稍穉。才子吟豪。美人歌板。各有滄桑淚。板橋閒步。與君聊且謀醉。

侯官林述庵題桃花扇傳奇云。江山無恙說興亡。草草南朝夢一場。迸送英雄兒女淚。勝他檀板演西廂。領袖詞壇舊有名。陳吳慷慨兩書生。可憐纔出蘭奴醜。從此東林黨禍成。春光不負賞花時。燈影秦淮萬柳絲。惆悵媚香樓舊事。繁欽手贈定情詩。從來巾幗幾英雄。慷慨當筵罵相公。笑看閨兒阮圓海。春燈謎裡可憐蟲。風流天子說無愁。按拍徵歌荊郢頭。花落後庭飛燕去。江山猶帶秣陵秋。文章無價筆通靈。水碧山青掩淚聽。收拾敗殘棋一局。戲場忙煞老雲亭。一彈三唱。猶想見南都之舊塵也。

上元許海秋金縷曲云。別有傷心處。儘消磨。刮去金粉。大江東去。樓閣斜陽秋易晚。嗚咽青溪如訴。祇哀柳殘鴉無數。龍虎雄圖悲豎子。剩遺編細載。聞歌舞。亡國恨。哽難語。年來烽火臺城路。念無端。家山唱破。淒涼誰主。似有簫聲聞鬼哭。忍憶板橋風雨。慢惆悵。美人黃土。繞郭旌旗霜影重。恐將軍怒擊軍中鼓。早哀絕。子山賦。慷慨悲歌。可當哀絲豪竹。

中州周星詒朝中措詞云。畫船明月客衣單。日暮水生寒。白板垂楊門巷。紅樓臨水闌干。而今寂寞。淡烟疏雨。人在天邊。正是熟梅時節。那堪重客江南。

乃板橋感舊之作也

張孝達相國著有金陵游覽詩。謂兩假江節。不暇遊觀。甲辰春奉命來與江督  
議事。公事無多。日日出遊以謝客。其咏青溪云。劉江諸大宅。一礎不可尋。道此  
衣帶水。穠華變清深。稍稍種桃柳。寡薄無繁陰。聊借三人航。寓我五湖心。燥吻  
甘止酒。茗椀自酌斟。清曠人語絕。時逢禪叢林。烟際聞相呼。三兩歸暝禽。何必  
牛渚月。已足愜素襟。得享一舸閑。勝擁千鎰金。曠達之念一消。塵意又金陵。雜  
詩云。兵力無如劉宋強。勵精政治數蕭梁。原何不享百年祚。醜毒江山是建康。  
荒陂野水尚西流。朱雀橋邊繫釣舟。一舸。莫道南朝無可念。求書今少大  
航頭。孟老錄中思汴臺。達摩曲裡鄴城灰。世間少有蘭成賦。便覺江南最可哀。  
宰相荒嬉夜宴闌。保儀新拜掌書官。春風一半殘桃李。獨有潘郎忍淚看。北橫  
天。整雪濤。吞東擁鍾山。翠壁捫。堪笑謂之無遠致。賞心偏在水西門。丁謂所  
作賞心亭。在今水西門。一耽隱。周雷不可攀。棲霞訪古長鄉閒。明賢專翫板橋  
水。讓與貧僧住攝山。

樊雲門和張孝達青溪詩云。沿流入青溪。磷磷俯白石。鵝散蔣王祠。草深江令

宅六朝煽妖嬖荒怪久成習。蔣妹第三人云是神君匹導源是宋玉神女極瑰飾。張孔卽朝雲。叔寶陽臺客。酣嬉三閣中。坐賴頰與彌。玉女朝朝花能無外患。集江山如龍虎。王霸由此得。不聞獬廌嘆。全爲桓王策。舉國悅妍華。沓拖遂無力。願持此溪水一洗金粉迹。

又樊雲門調爽翁卜妾秦淮高陽台詞云。雀桁閑花。雉塲秋柳。渠儂不解傷春。墮策閑坊。一株紅柏遮門。十三樓下秦淮碧。側烏絲親訪桃根。漫銷魂三十年來此度纔真。下畧。

洵貝勒蒞金陵時薄游青溪莫愁湖。慨然有懷舊之念。在莫愁湖題詩云。風月依然不老春。誰將蘊藉話前塵。鬱金堂畔波如鏡。照澈千秋畫裡人。美麗湖山更添一段佳話矣。

嘉興張公東憶舊游詞云。正鳴笳送晚。疊鼓驚寒。重繫吟橈。滿目滄桑。感漸荒蕪綠遍。戰壘蕭蕭。板橋幾株疏柳。霜悴短長條。笑社燕歸來。烏衣巷冷。舊隱誰招。魂銷冶游地。賸古渡斜陽。流水迢迢。畫舫飄零盡。只莫愁湖上。烟艇輕搖。指點遠山眉黛。金粉語南朝。但夢繞空江。鄉心此夕隨去潮。

洪秀全臨金陵時。於秦淮間立有女館。令人自擇配有女官媒以司其事。止許月晦同宿。餘日不得犯。上元吳家楨詩云。六軍女館重閑防。廿五嬌娃聚一房。輪盼今宵逢月建。滿城飛遍野鴛鴦。蓋咏其事也。

通州范伯子謂秣陵中秋伯嚴以城間勝處在復成橋。約諸公擢小舟往會。至則風甚。月不瑩。不能望遠。伯嚴遂欲出馬路窮探。而陶公所攜妓尼之。及返。擢至四象橋。月色轉瑩。澈余與伯嚴徘徊良久。述以詩。詩曰。天高無雲但有風。分明璧月紗來籠。淒淒柳路行無窮。紆迴照暗燈微紅。鍾山只在城南東。高下一氣青迷濛。復成橋下煙景雄。到來指點殊難工。吾知陳生興墮空。祇欲急走爭溟濛。藉非有妓哀疲癯。遂入深深灌莽叢。須臾回舟月色融。歌管寂寞三更終。澄輝朗徹天當中。真鑒毫髮無昏瞳。可憐四象橋邊水。正照天涯兩禿翁。蕭山任孝和題桃花扇傳記云。餘春已被燕銜殘。流徵商音賸獨彈。重唱後庭花一曲。內人爭識孔都官。屏山九曲華燈照。午夜淒涼子夜歌。送別秦淮水鴨咽。短衣匹馬獨投戈。曲子新聲譜石巢。紅牙拍板紫檀槽。白門橋上綠絲柳。一別無情送六朝。中使傳宣選教坊。鈿車香滿入昭陽。從教拋却巫山夢。檢點黃

絕入道裝。夜半飛沈大將星。冰霜三尺拂青萍。江聲流恨靈旗黯。長古忠魂傍  
孝陵。烏絲欄字寫冰紈。細譜宮商叶管絃。腸斷一聲河滿子。江南頭白李龜年。  
哀歌搔首望茫茫。落日青山坐話長。濁酒何能澆壘塊。兩行老淚哭興亡。秣陵  
秋色仍如昨。憔悴蘭成感髮華。賸水殘山無限恨。一齊收拾付琵琶。

又任孝和送人之金陵詩云。白門楊柳蘸煙低。殘月西風烏亂啼。醉倒旗亭小  
鬟唱。頽唐扶上錦障泥。

秦淮聞見錄載有武進黃仲則中秋夜游秦淮七古詩一篇。近覽黃仲則所著  
之兩當軒集。其秦淮題咏尚有詩詞數篇。因選錄之。金陵雜感詩云。平淮初漲  
水如油。鍾阜峨峨在上頭。花月卽今猶是夢。江山從古不宜秋。烏啼舊內頭先  
白。客到新亭淚已流。那更平生感華屋。一時長慟過西州。又過秦淮詩云。淒涼  
苔蘚掩金鈿。無復笙歌動六街。回首南朝無限恨。杜鵑聲裏過秦淮。又中秋夜  
秦淮水榭臨江仙詞云。三載紅橋舊路。輕塵暗換年華。依然燈火照香車。玉簫  
吹子夜。明月在誰家。前度青衫淚濕。重來破帽簷斜。殢人風景又天涯。垂楊  
空繫馬。流水有歸鴉。

會稽李杰伯題扇頭李香君小影詩云粉本南朝絕可憐。扇頭璧月尚嬋娟。清  
流何與人間事。花下長翻燕子箋。傾城一笑太情多。十斛明珠奈若何。畢竟秀  
才空嫁與輸他。一品顧橫波。秋柳情深大道王。掌中猶見舞時妝。只憐曲裏桃  
花扇。唐突當年鄭妥娘。

合肥李可亭有秦淮雜詩十六首。倚梳中饒有清趣。茲錄其七云。年來夢繞秣  
陵舟。又作秦淮十日遊。長板橋空金粉謝。烟波猶帶六朝愁。丁字簾前送晚潮。  
輕橈幾度載紅綃。一聲短笛催歸去。涼月隨人過畫橋。參差水閣晚寒流。面面  
珠簾盡上鉤。十里新隄楊柳色。美人樓上不知愁。晚風畫舫上燈時。絃管聲中  
半醉癡。豪竹哀絲聽不得。一腔心事幾人知。纏頭擲盡阮公囊。贏得琵琶半面  
妝。一曲當筵金縷恨。蕭蕭暮雨怨吳娘。莫愁居處石城西。又向湖亭認雪泥。煙  
水不知人去久。寒風說與杜鵑啼。詞客梅村舊擅名。曾與詩酒識傾城。可憐踏  
遍秦淮路。孤負江南卞玉京。

元和江建霞題卞玉京楹帖二絕句云。想見衫舒釧重時。玉窗香繭界烏絲。獨  
愁一事梅村誤。不譽能書祇譽詩。舉舉師師姓氏迷。飛瓊仙迹近無稽。蜃眠小

字珊瑚押。莫誤楊家妹子題。又題王京畫云。愛讀琴河感舊詩。楓林霜信數來遲。秋風紅豆相思種。定為蕭郎寫折枝。信筆揮灑妙緒天成。覺金澹心板橋雜記之言亦可徵信。

溧陽秋。曼農秦淮詩云。秦淮疏柳。賸綠絲。金粉南朝又一時。潮水碧涵妝閣冷。夕陽紅上釣船遲。箋翻燕子新聲。艷扇畫桃花舊夢癡。往事風流那堪問。卅年前共客題詩。

桃葉渡在利涉橋旁。按古樂府注。蓋晉王獻之送妾地也。金陵王紹銓桃葉渡懷古詩云。閒來買棹青溪渡。春花秋月都非故。問到儂家舊姓名。桃根桃葉知何處。記得當年打槳迎。朝朝暮暮不勝情。美人一去隔秋水。風雨猶聞腸斷聲。無端烟月悲空散。六朝歷盡南朝換。黯黯秦淮慘不春。柳旁艇子何人喚。我今懷古悲荒涼。尋春江上弔斜陽。欲歸渡口歸不得。祇恐愁殺雙鴛鴦。

南甘泉毛元徵（乃庸）偕公約龍慧秦淮舟飲詩云。可憐曲曲青溪水。到此愁心肯暫消。飲博無聊何獨我。爭歌未散不知宵。眾生戀夢爭哀樂。斜月催人墜泣寒。莽莽九州艱一騁。願駭虬鳳聽仙簫。又秦淮肆飲詩云。縱有憂虞亦謀

樂世羅入手已全乾。燈船掠水搖花影。風檻平波逗夕寒。人事膏肓宜醉眼。天  
衢幽遠阻塵翰。酒酣不那應難忍。捉取金丸向月彈。

閩縣林穎叔（壽眉）題顧橫波墨蘭（後有龔芝麓跋語）詩云。分明九畹  
寫靈均。解佩如逢洛水濱。異代尚書雙合璧。趙文敏有管夫人。老大風流擅畫  
眉。墨花悟入折釵枝。梅村不遠東山隱。枉及文青未嫁時。板橋雜記謂柳敬亭  
善說書。常往來南北曲。以彈詞著。長樂謝枚如（章鉞）題柳敬亭畫像詩云。  
居然傾倒到衣冠。不朽誰知在稗官。老死丹鉛凡幾輩。埋頭遙望敬亭山。蕭然  
抱膝意如何。好友難題盡短歌。知否昆明友刳換。國殤遺老紙邊多。（畫有范  
質君冒巢民題句）

吾邑茅子貞咏秦淮河燈七排詩云。給孤長者普燈傳。撒落清漪的暈圓。竟拔  
沉冥騰碧燭。頓生歡喜到黃泉。僧伽短帽游行隊。鬼趣長河不夜天。彼岸莫迷  
關口路。慳囊分破陌頭錢。罡風過去仍為紙。法界飄遙盡是蓮。黑暗獄中聊解  
脫。大光明界締因緣。送他北里胭脂澤。接引西方泡幻禪。寒渚乞兒驚照席。火  
坑妖子對鳴絃。隔開屏井淒香骨。繞出州門燭墓田。一霎曇華留小住。九幽色

相現無邊。上流低放。婆心細。畫閣遙窺。媚眼穿。魔女嬉遊。油鬢影。辟支梵唱。雜  
經筵。幢幢景。擾星稀。後艷艷。花爭日上。前雙槳。恨他旋滅度。橫橋庇爾。乍團烟。  
微波木葉吹秋朗。甘露盆。蘭灑佛先。無賴中元。催去速。明年會看釣魚船。

予嘗徵秦淮雜詩於江都梁公約。旋得其復函云。風雨江皋。亂愁如織。愴懷時  
事。不復能為綺語矣。前承雅命。搜羅故篋。十不存一。僅得詞一闕。小詩四首。不  
值方家一笑也。其秦淮秋夜菩薩蠻詞云。湘簾做暝。詞珠歇。雙鬟茉莉顏香雪。  
何處笛聲柔。水痕衣上秋。燈闌香已灺。隔檻聞雙鶯。雙鶯催人醒。羅幃知月  
明。題龍慧扇頭詩云。姹紫嫣紅中酒天。風尖月小思慙慙。拼將十日江南醉。別  
後風塵一惘然。劉郭江湖最少年。當歌對酒放狂顛。如今都醒樊川夢。一任青  
溪柳作絲。翠羽明璫誇小小。玉簫金瑣舞僊僊。忍拋後約將人誤。珍重秋宵月  
子圓。雙玉亭亭泥酒邊。離愁萬疊似增川。秋風趣放江南棹。況是木樨香可憐。  
數篇皆風神摇曳。信是才人之筆。愧無烏絲欄格。以寫之也。

秦淮雜詩。自王漁洋後。題咏者名作如林。如金壇馮夢華中丞（煦）秦淮燈  
船曲云。羅衣初試晚風柔。春盡秦淮碧玉流。芍藥將闌新燕乳。有人催上木蘭

舟渡口春波故故生。夕陽西畔弔殘英。桃根桃葉今無恙。不見王郎打槳迎。冰  
荷初熟夜如年。銀甲重調六國絃。消得鬱金香一寸。泥他籠月與籠烟。不羨南  
唐照夜珠。銀缸萬點足清娛。一彎眉樣初三月。來鬪清溪最小姑。銀箋後句更  
誰裁。江總樓頭百往迴。火樹銀花開且合。更移一舸鬧江來。孤負詩囊與酒瓢。  
閒愁都逐水雲消。鸞膏鳳腦明如晝。搖過蓮花第四橋。梨花簾子望盈盈。一  
抹梨雲浸玉笙。燈影似人人似月。十分圓處不分明。北斗初斜六柱移。衣香鬢  
影正參差。中央四角垂珠的。省識盤中白玉詩。邀笛人歸蠟炬殘。夢回閒煞曲  
闌干。玉繩轉後微雲淡。小簾輕袞各自寒。雲一窩兮水一棧。九華影裏得春多。  
酒闌歌歇斑駁遠。贏得檀郎喚奈何。又上元秦伯虞太史（際唐）咏秦淮燈  
舫曲云。桂楫蘭橈不染塵。夕陽漸有喚船人。沿堤種遍新楊柳。留得南朝劫後  
春。棗花簾下一停橈。澹雨輕烟過板橋。弄笛更無桓子野。小鬟隨意學吹簫。綺  
夢年來薄似雲。石城楊柳易斜曛。雜花一夜春生樹。添得揚州月二分。衣光鬢  
影眼模糊。扶醉歸來客思孤。猶有幾株舊時樹。櫓聲驚起後樓烏。又淮安莊夢  
蝶（培孫）秦淮雜感詩云。秦淮鳴咽水聲酸。九曲青溪月一丸。恨煞南朝阮